



04366

1399  
31188

84115

謙谷集總目

卷一

古今體詩六十八首

卷二

古今體詩九十八首

卷三

古今體詩七十四首

卷四

古今體詩九十二首




卷五

古今體詩七十四首

卷六

古今體詩五十五首

謙谷集總目



謙谷集卷第一

秀水

谿堂曉坐

子下壬

林色沐輕露鳥聲悅初日  
褰帷芳若薰攬佩寒猶粟  
歲華矜盛美物性眷儔匹  
仰倚天蒼浪俛愁波洶洶  
不見同心人春風自瑤瑟

紫微山

審山何騫翥紫微乃蹲伏  
欲知石骨殊披雲循北麓  
村荒處士梅泉響高僧竹  
上方金磬虛落日芒屨獨  
章詩剝蘚衣短臂差可錄  
蕪書出松頂矯首寺門肅  
海明天夜豁花暖溪春復  
丙舍近西林終焉此間讀  
唐章孝標詩碣尚存  
惠力寺額為東坡書

先祖中憲公墓在西麓

謙谷集卷一

一

秋暑同仲兄涵存季兄綺巖從子仲衡遊玉泉寺

觀五色魚二首

陰陰松栝碧雲隈紅日驅人入寺來  
活水源頭何處是一方明鏡覺心開  
堂堂策策戲淪漣尾尾紅藍色競鮮  
失笑漫拋殘食飼可能雷雨向青天

與祝大豫堂夜話

古者不可作今茲空所云桐風驚壯士  
芳草玩夫君月細穿牕入歌清隔院聞  
盈盈一尊酒聊用致殷勤

芝硯堂對月

青天萬古月刻意作秋涼竹院清如水  
桐階白有霜相看虛夢寐獨立怯衣裳  
露下芙蓉濕誰憐薄薄粧

洶音密蓄藏也  
滴音衡水流貌



珊立



江干晚發二首

澹澹江天去雁昏橫憑一葉晚  
輒坤龕南楮北潮頭漫未  
放魚龍窺海門

船頭寶璫露碧巖江轉村容雜  
柳杉卻拍亂鴉昏似墨赤  
亭岸口月光銜

泊富陽

部門面江落人家背城住厭看  
隔江山鬻鬻青無數遠遂  
逐漁來殘鴉逆風驚而我倚蓬  
人躊躇憚前路驛宣燈漸  
上天澹月微吐何處有清醪  
一尊釋寒沍

九里洲

乘潮倏百里江靜天初曉凍色  
巖山枯炊痕出林小不見  
芳洲人緘情徒渺渺

謙谷集卷一

七里瀧二首

巖崖鎖日黯冰灘鴉噪荒祠古  
木寒問訊嚴先生好在可  
能借我一漁竿

枯盡冬青樹不春風吹宿莽四  
無鄰却緣一首西臺記來  
弔空山姓謝人

泊嚴州

驛門高樹點燈初濁酒篷牕醉  
自如今夜梅花城下宿滿  
船香霧夢回踈

舟次和孟兄抑齋二首

漆林有雨凍還壓水碓無風寒  
不春村僻稍聞人畏虎灘  
回時見竹如龍

寒花數叢日故鄉看冰水前灘  
急後灘可柰高高牽百丈

還從天際望新安

界口

沙水幾家村水霜百年樹農休婦子熙俗儉衣裳素鄉園  
歷時近景物愜心過落日澹諸峰綠灘耶可步

同孟兄過程葵田願學堂留止數日賦贈二首

故家喬木飽春冬堂構依然蔭竹松內弟外兄情話得紅  
鏗綠酒夜筵重舊諳客味新鄉味遠愛山容近水容幸是  
不虛千里至天寒短景數相從

萬卷藏書付子孫八分太史記長存空庭有樹應成賦小  
澗勝舟直到門偃仰畊漁高士業流連文酒素心言看雲  
政要提携去何處梅花斲石村

堂為朱竹垞先生題并記

廣惠王廟

諱谷集卷一

三

石馬立庭草靈旗卷天風屨屨烏聊山彤蠻霧所宮河南

李樹白河北楊花空保土刃不血州民忘軍戎歸唐心只

赤班爵位上公繼惟錢王鏐可啻德與功粉榆巫覡走車

馬香光通諸獮拜堦雪醜酒微陽中新安江見底黃山鬱

巖從精爽倏來逝與之相始終

望黃山

六六蓮峰不能上嶢嶢千七百七十丈溪二十四洞十八如

是云何空望想天台天目高十倍及肩翻拜茲雄長地形

宣歙已天高涌出青天更無黨惟山之雲族如海雲將鴻

濛肆來往峰內有峯溪有溪是雲是海寒摩盪軒轅騰神

鼎爐置容成駮駕浮邛杖湯口流香白龍偃霞城送曉梳

花朗瀑布砮砮聾到耳丹臺岑峇平舒掌幾人脚踏天都

屨屨立曰周茨峯頭巖

彤蠻音血蠻威威作也

砮砮音砮烹水漱石也

頂萬里 剗風吹惚恍 謂晴不晴 雨不雨 虬松十萬雲中養  
我今看山雲外揣 便入雲看亦難仿 春明秋爽長冰雪冬  
氣今辰加曠莽 混沌七日鑿方死 膚寸封中窮 一仰吳會  
吟成殷十四 碧溪月凍孤襟懽 胡麻不飯 硃砂菴自笑 此  
生能幾兩

赤山溪拜松峰公墓

不改松林碧 深盤左右岡 風遲哀壑轉 天淡暮鴉翔 許國  
儒能武 推心德在鄉 裴哀觀 蠶碣百世總難忘

陽后拜瞻陽公墓

承啟家風振山川 世譜垂鄉人 榮故壠 天意叢孫枝 直道  
還容物 傾財豈顧私 萊州志 循吏惠 愛到今碑

桐江曉雪歌

謙谷集卷一

四

風聲簸簸蓬牖亮 起視江天失屏嶂 素娥青女競 教嬉落  
花飛絮成 飄宕合江亭 下魚龍 蹇隻鶴 衝來翎翅王 寒壘  
濤頭塵拂鏡 澹圍天界烟生帳 元英先生想 高卧戴公老  
屋知無恙 一竿終讓狂奴態 此際披策特清曠 踈踈稍止  
村雞聞微青 一縷炊烟分荒城 無門入虎跡 古樹有义蹲  
崔羣船人手 數苦作飯客 子面冷猶看雲 安得囊中餐玉  
法為余一笑問桐君

歸舟二絕句

白白鷗飛雪 一灣浮生難得似 渠閒十千兌得餘 杭酒徑  
欲高眠大滌山

山鳥山花凍不肥 雪晴相對畫林霏 正須一幅大癡筆 收  
取富春江色歸

硤石墓上作

以下癸丑

暄冷入清明，家上塚行。  
野鷄窺祭榼，流水亂哀聲。  
老柏春烟上，青山落照橫。  
諸孫叢拜立，澆酒一含情。

山行

逕轉出深林，花香溪水碧。  
不聞雞犬聲，雲裏幽人宅。

平望

湖色憐鶯脰，橋名愛画眉。  
村深容泊宅，駟古贖嵌碑。  
老柳將絲候，銀魚勝雪時。  
孤篷更前路，欵乃數聲隨。

蕪州二首

碧城樓子映江開，柳巷桃街樹間。  
森裁曉日葑門聲，作市

一時湖海販鮮回。

竹枝女兒紅錦裙，蕩船山寺佛香焚。  
吳王去後東風改，尚

謙谷集卷一

五

有麝脂汚水雲

當壚曲

造得酒如淮，相將亦復佳。  
修眉山作黛，細步鳳名鞵。  
花飛亂春水，柳色映官街。  
聞香蛺蝶至，時時上玉釵。

西園牡丹

孟白支紅鬪露華，擬將新譜訂歐家。  
玉環縱自能傾國，爭勝關東一本花。

朱孝廉偶圃南歸見過留宿

寥落風塵下，高才獨見君。  
雲衢終自達，沙鳥且為群。  
微雨侵軒冷，踈鐙照酒醺。  
離情方一叙，莫遣袂端分。

菱溪曲

垂柳覆鴛鴦，水滿凌波塘。  
種菱亦種芰，四角肥大兩角長。

採菱莫採野小角，銛利刺手傷儂家。自種兩角尖湖，跌色紅青白兼白者，餽飽青境角烏菱。沉水西風嚴，四月南風興。沙角臘脂凝，十月北風燥。曝乾傳遠道，單衫白紵夏秋交。煮出新泉，誇熟老年年。種菱羨熟多，今年菱荒將柰何。郭西灣連桑瀆水，郎今欲渡愁風波。愁風波那相負，紅荷食蓮白荷藕。莫羨他家但相守。

送客

十里青蘆色，搖搖逐柔艣。那堪靜夜思，各掩柴門雨。

飛龍篇

塵埃齷齪良用憂，惰古來賢聖皆登泰山。安得高舉遊霞乘烟體，毛數寸稽首偃佗。飴我丸藥戲我芝田，有棗如瓠取酒如泉。和之天倪，導以自然。下謝世人，醯雞可憐。

謙谷集卷一

六

鬪雞篇

陽春二三月，雜豔何飄飄。感此騁戲樂，迎賓出東郊。檀塲名利鬻，捧敵相招搖。毬毬毬，鐵距翕赫張。錦幪媒驚猜，妬劇雷擊矛。劍遭高騰芥羽洒，却立花冠翹。帝劉雄未凱，霸項雌復塵。德全庶在養，疾視猶虛驕。

結客少年塲

朝出探丸赤幕出，探丸黑男兒。重意氣，軀命奚所惜。邊烽日夜警，主上勞寢食。願一請長纓，彤廷賜顏色。黃沙蔽天起，轉戰幕南北。捷書奏甘泉，談笑勲名獲。來歸崇甲第，歌舞耀惶惑。錯列山海筵，招取平生識。嵩邛鬱嶢嶢，涇渭流何極。此意竟虛成，慷慨長安陌。

瑞芝山房



片石割吳雲靈苗興紫霞兼之翡翠鳥映以菖蒲花坐令齋心人不羨安期瓜

書先大父太平通守去思碑後

側聞一命榮於物必有濟非懷仁者心民何蒙實惠緹維戶部公官粵十年滯興學教已覃從戎功不細上官奏曰能歷試政尤勵移臨交趾疆二十五州隸嚴君拊家人強弱荷調劑廉吏信可為豈敢不如桂廳事古榕雙虬枝葉蒼翳其下勒貞珉匪止循俗例誰嗣統載編官師發遐契公先通判桂林首勅義學歲飢捐賑時衡靖二州荏苒不軌朝廷命三省合戰公隨營監紀偵得賊首馬奇三等竄入生園乃率軍倍道以進經旬行雞心諸隘涉龍勝驚離諸難圍攻於龍坪寨賊盡匿苗尚復密伺至三冲奇三出戰公預設誘走山凹磨軍發石奇三中石死餘黨馬之射等皆就縛庚辰移判太平三年擢知河南鄭州事公在桂林念地志闕馬手輯粵西

謙谷集卷一

七

夏夜移榻

蕭然移枕簟梧竹蔭閒房月出夜情澹簾開螢火涼聊披紵衫白暗襲藕花香清得詩脾在水寒一瓊漿

題姚公綬山水小幀

隔溪獨峰涌峰半白雲斷晚影入天虛秋光向人嬾詩翁面溪坐蘚石久應煖一株紅葉聲洒憤持相欸

蟬

柰爾數相警寥然秋思通飽應餐曉露涼獨聒溪風雙翼薄無恙一聲高欲空冥冥梧竹亂踈影夕陽東

宜都內人歌

突兀垂拱年冠冕換釵釧夢中不有房陵兒殿頭却進蓮花面明堂詔作新崢嶸百官躡嚚何敢教大家清暇憑檀

几跪進唾壺陳所以羣陽斥去孤陰尊理關至極詞苦辛  
梁公鸚鵡多回挽誰識宜都有內人

題惲南田画册二首

凌雲猶見一枝新尺幅秋風幻亦真玉宇瓊樓歸未得卻  
將金粟現前身仿趙承旨仙桂新枝

錦纏珠絡費相猜挂起高榆麗毅開放鶴堂前石池畔去  
年春晚看曾來紫藤花

七夕

一鈎明月照銀河織女今宵此又過經歲愁懷應已破滿  
天涼氣為誰多蜘蛛盒內絲從結烏鵲橋邊水不波玉漏  
漫催雞漫唱相逢遽柰別離何

將進酒

謙谷集卷一

八

蟋蟀鳴秋夜長一樽酒鐙燭光停妙舞塵名倡鼓我缶天  
風涼蓬萊水為田桑生年百奚他望甘露降嘉禾生我儕  
愚逢世康土木駭賤所丁不飲酒徒慨慷

芳樹

椅柅復玲瓏榮君雨露中含芳猶待折竚立欲銷紅殿閣  
初斜月蓬萊自曉風若將絃管對開落豈息息

有所思

日夕薜蘿綠迢遙蕩子心鏡中山脈脈笛裏柳情情常時  
歡笑薄去後愛憐深雙魚香難托潮汛斷江滬

雉子班

錦衣青鬢粲擬竝鳳凰丹一啄一飲肆于山于澤寬南皮  
樂已太牧犢怨方殫巧笑繇來會無媒致亦難

臨高臺

關河渺音信悵自登臺草樹浮光動川原暮色來避人  
却攬帶聆歌不舉杯遙想鴛幃夜有夢泣玫瑰

釣竿歌

倉皇欵歔河濱之漁抽繭斫竹孰使羈孤附書河魚不知  
肥瘠幾日來歸無恐迫索

贈周明經簡菴

鴛浦耶為客春風入座生詩應吟李杜學乃願朱程榭葉  
霜前老蘆花月下明將船弄秋水渺寫溯洄情

寫水仙自題

冰雪肌膚本離塵貝宮歸去道裝新不須解珮酌交甫已  
遣陳思賦洛神

謙谷集卷一

九

鯉魚石歌有序

石一枚上有鯉形鱗鬣宛然別有詩冊一為王淵夏昶沈  
周黃道周王鐸僧淨雲諸人題咏

雲根石卵殼初脫墮入清江碧猶活化生有氣寔相幻上  
有鯉魚春鱗鱗石不斗大魚纔梭石作魚胎理則那老僧  
汲江偶拾此山房作供招容歌客譔十九禪學叅拈魚頌  
石紛和南循詩撫石兩惝怳非指非馬都危談大哉天地  
無不有真歟幻歟不須剖掃除研北置盤陀莫教飛去黃  
河口

敬題先子讀易圖

冥觀極俛仰危坐自形影雲山海外孤几席春餘靜草色  
上襟微天光逗林罔物生究端倪心得驗俄頃丹鉛今尚

存拜侍肅然領高爲巡臺

同祝大豫堂錢七坤一過金氏園

小橋斜圻夕陽踈松竹當軒靜有餘出郭主人應訪菊擎  
茶童子也知書坐來雲霧石林石樂甚江湖寸寸魚約取  
芒屨重載酒寒花留看雪消初

懷瞻嵩舅氏永寧

西風樓閣雁行行甚欲緘題遠寄將翠湧玉輪天柱月寒  
催青女桂林霜全家萬里依窮宦泛宅中年夢故鄉聞道  
虞衡新志好訟庭深草似書堂

題南樓老人畫棋

金管紀賢明吳綃見清粹姑射立東風香影不能二

宿祝大綠谿莊

謙谷集卷一

十

屈指秋云暮爲園葉向凋香生澤畔草影斷鵲邊橋露水  
滴松頂簷牙明斗杓風鐙寒一穗不惜話終宵

坤一招同祝大豫堂王五受銘集回谿草堂

林竹叢花秋四遭入門真覺閉門高斜風忽送西邊雨綠  
酒先持左手螯感慨悲歌誰不爾形骸放浪且同曹南湖  
正有團圞月乘興還應駕小舸

楚望

野望那知久間愁聊欲無歸漁鳴荻港去燕沒霜蕪村意  
老紅葉天光低白榆今宵有圓月揅貫酒盈壺

送豫堂北遊

莽莽幽燕道瀟瀟雪霰辰徑嘗三益舊書豈五車貧戀棧  
難將母投珠寶愛身一樽無語意臨別重輪囷

雪霽與喬大衛客飲

狂士愛狂飲一口吸一石伊余澹蕩人但飲莫呼迫微陽  
暖牖櫺况對玉霏白溪痕深自凍松頂踈猶積擁鼻頰漫  
紅忘形影不隻何必剡中舟棹花正圍宅

送從子仲衡就婚揚州

此去江南岸春風拂面生述婚應有賦贅壻早傳名紅藥  
負真色綠楊含古情吳蠶思箔候早晚待雙旌

題松圓老人秋林策屐圖

日斜紅葉黃葉秋老千山萬山一笠一瓢行去得魚得兔  
空還

服闋哭父

附錄庚  
成作

兒生襁褓中我考官職方燕吳十年隔不一倚膝旁已秋

謙谷集卷一

十一

拜黃門直指臨南溟春驄道故里旬日浮輕航改歲重趼  
歸奔我王考喪哀勞至骨立黥黯及小祥孟夏月上弦死  
孝趨九京呼天天色墨號擗摧我腸疇非有父兒晨昏裁  
一霜敲烏咽荼蓼毒苦獨我丁析薪累清白負荷千徬徨  
熒熒予在疚誰扶不肖躬燧火改已屢墓田守徒荒援琴  
寫風木哀教纏高蒼

謙谷集卷第二

秀水 汪 筠 珊立

元日立春

以下甲寅

淑氣併相催初陽逐望開  
鑪香椒酒遍笙曲土牛田競帖  
人前勝剛披凍後梅太平  
雍正歲親為紀祥來

春夜聞讀書聲

春冷夜難曙掩來書幌深  
天方息羣動神特助豪吟  
隔浦竹風送橫牕梅月沉  
誰歟王處仲慷慨擊壺心

老梅歎

半樹繁花半枯槁獨立冰  
霜竟成老園丁無情斧彙去  
蘭摧玉折風悲昊縞衣丹頂  
夢難成月黑微聞太息聲  
醉汝蒼苔一杯酒未來過去  
已三生

謙谷集卷二

一

小方壺呈季兄綺巖

屋宇不必多貴愜山林趣  
拳石靜疑雲虬松藹生露微  
雨挾風來春冷且相住絳帖  
手千緡宣鑪聞一炷緬昔結  
搆初耽隱托襟素擘牋趁繁  
英飛爵候圓兔餘事屬吾家  
人傳草堂句蓬瀛曷可期戀  
此小山樹先租有小方壺存稿  
先子有雙椿草堂集  
方壺前叢桂  
五株甚古

偶圃受銘來會坤一遂同飲小園留宿

溪風微送暖檐雀早催晴  
今舊雨初合短長歌屢更  
盞光交玉琰月意靜秋杵  
鄭重無眠夜深譚聚一盟

舟過濮院

楊柳人家儘自烟鶉鴝聲  
裏路回沿橋頭沽酒尋常  
慣鳥喚提壺似去年

得孟兄抑齋都下書

渺渺隔關河，淒淒念風雪。滔滔孟夏來，黯黯南雲結。老親倚雙扉，諸弟奉佳節。長安有使旋，一紙飛來瞥。輦轂足交遊，人情異涼熱。喜君眠食善，卻話歸思切。連闌幸多權，祿米未應缺。天衢羅衆星，高步竚賢哲。

學書同錢二眉客四首

矮几臨牕水，氣澄桐花滿。地斷來朋略，安筆硯消清。畫撥鏗南唐，序尚能。

顏公心折張長史，米老曾評十四家。攻取歐陽三十六箇中，疎密敢天斜。

一甌花乳熟，風鐙斜日鈎。簾迭品評金石知音，千古矣傷心還爲趙明誠。

謙谷集卷二

二

君家兄弟才難伍，晉字唐詩壑輩流。更愛清譚多義理，元方未覺季方優。眉客爲坤一從兄

二十自勵

修名勉乃立，君子慎厥初。旣冠醮成人，可不惜居諸。先公付清白，耕讀境有餘。慈闈愛少子，尤切勤詩書。幸從諸昆後，進退方徐徐。及茲不自力，食粟將焉如。勲名晚始就，古先多令譽。業術弗蚤圖，如春廢菑畲。去日亦猶淺，來日亦何舒。盛年豐爾德，敬勝毋躊躇。

酬盧玉巖

風細筍初梢，園深堂自闕。乳鴉噪空林，先生足音至。高言領佳趣，形穢使心醉。斗杓垂有芒，河源導初利。後進之所宗，大雅幸無墜。駑駘策難前，取道默惶媿。倘容末座叅，數

問雲亭字

得豫堂書

應有南天夢初憑北使傳春風過九十遠道隔三千薛容  
方彈缺雄文尚守元如何辭痛飲不向酒家眠

浮谿館坐雨同省客坤一分韻得林字

一片曉烟沉鳴鳩何處林連催寒雨猛屈注小溪深榴祀  
飄紅蒂槐堂暮翠陰裝綿仍卧簟幾為費清吟

碧浪湖

樽開畫舫潔衣裳嘯引高城豁下蒼浮碧尚堪圖峴首舊  
聞誰擬續襄陽林梢欲雨風多影岸脚無花草亂香天目

王孫如好在載書來就麥秋涼明逸老社嘉靖癸卯唐一

亭先後入社者蔣瑤吳廉施佑王椿劉麟蔡玘李丙朱雲  
鳳陳良謨顧應祥孫濟吳麟張震韋高臣朱懷幹吳龍合

謙谷集卷二

三

唐凡十七人皆序齒不序官丁未郡別駕湯世賢始改建  
堂曰逸老甲寅應祥有峴山十五老之圖殿後續社者至  
四十人

震澤道中

眺遠蒼茫際人家正午炊牧童橫短笛村叟負新絲濃綠  
隨雲抹輕陰向水移船牕無一物把得少陵詩

裘杼樓有述

吾祖富萬卷貯之裘杼樓一生嗜奇古來往俱英流開樽  
座常滿拂箋句共酬文章動海內解組歸林邱到今耆舊  
盡寂莫四十秋牕前槐陰老門外溪水幽仰此堂構在觀  
此圖書留沈吟事如昨憑闌增百憂

古劍

不識何年鑄裝來古錦韜崆峒吾欲倚魑魅敢相遭切玉



金光湛剽犀虎氣豪蒙莊曾有說短後媿徒勞

雨興簡鴛湖諸子

梅風梅雨即次籛薜蘿陰濕歆苔垣林鳩有婦呼未得高  
荷大芋池中翻牀頭珠瀑濺盈斗傾倒沉冥日至酉催來  
燈火青熒熒颯沓松濤捲空牖相思曲溯鴛鴦流鰲磯水  
白寒如秋憑誰寄我新愁句題上湖心百尺樓

過朱大偶圃

扁舟衝雨訪湖南曲岸沿洄轉碧潭滿滿風花香汎午芊  
芊汀草色拖藍徐揮玉麈元譚邈細嚼金樽別思酣暢好  
園林常作主謾勞人海艷華簪時將北上

敬題先子小景

紹興司鐸時作幀上有吳復古銘  
道題七言古詩

桃李兩三行春風久披拂袖中山陰山蘸筆青髣髴志遠

謙谷集卷二

四

跡自清道存襟不鬱三復吳君篇翛然澹紳紱

潘園李

城東潘氏李香脆劇須餐豔絕先施拍應同伯仲看霜膚  
沉玉瓚伏日薦冰盤為寄園翁語纖纖核漫鑽

謝盧玉蠟贈石印章

藏拙何堪著姓名敢煩繆篆寄遥情閑牕試檢吾邱子識  
字多慙博雅評

華及堂早桂同玉巖坤一賦

月裏曾分種溪邊最得秋細吹金粟綻濃映碧雲浮招客  
晚開徑舉杯深倚樓露華寒欲凝聊可小淹留

秋熱

八月桂已花天氣轉炎熱赤日升吾堂炙膚有餘烈思面

十丈水一齒太古雪檐雀息梧陰清心適相結安得夕涼  
生商颺簸駮屑

贈朱大素村

話君初到舍菡萏豔塘均瞥眼紛秋氣驚颺颯柳梢剪鏗  
棋漫下呼酒句同敲認取流光駛還期固漆膠

懷王五

柴門無剝啄蘭草被庭堦一樹蟬聲咽連朝雨色覆琴書  
誰共樂雞黍願相偕借問狂歌客何時過水齋

秋海棠

小草何心總不言髣釵橫亂向瓊軒烟低已覺含秋思雨  
濕還憐帶淚痕豔汎玉容潮滿頰夢牽遙夜月為蒐宵征  
蟋蟀渾相傍一院西風似少恩

謙谷集卷二

五

簡偶圃

餅饌松花細爐燒栢子芬楚謠聊復爾酒頌不如君岸幘  
臨秋水鈞簾對夕曛此中真意渺何恠莫平分

受銘至遂同素村坤一夜飲

高柳踈蟬掩葦門離憂渺渺怨蘭蓀不因佳客團清夜那  
有新詞付濁樽買斷萬金風月地掃除千劫利名言菊黃  
露白憐溪館饒却山村亦水邨

送孟兄抑齋令仙遊

霽區七閩勝作宰頗不凡銜杯話明月淨遣離腸芟雞子  
亦有城葵溪亦有巖草尋漁仲宅石搨君謨函當暑荔漿  
滑登盤海味饒何家好兄弟游戲樓空嵌鯉魚上天處萬  
古青巉巉民命惜鞭撻仁者感至誠早裁陟屺什蠻背郵

歸颿

題曹侍郎墨蹟詞卷後

紅豆徵歌酒半碧箋寫恨天涯江南舊人何處禪榻茶烟落花

鳴雁行

雙雙棲啄鳴正和荻洲楓渚為我家身入雲漢心網羅苦辛不如鴨與鶩霜露零晨雪明夜短應長呼力相藉

空城雀

空城人稀穀少猶可穀少但啄餘粒且免小郎彈我雀飛空城暮雪紛紛他家穀乾收拾盡壞墻濕穴那得春

隴頭水

朔吹動邊州飄颻度隴愁阪曲九回上水清四注流關門

謙谷集卷二

六

崖吐月戍壘火明樓秦川望不極躑躅攬純鉤

梅花落

嗚嗚圓蘆裂霜斗隴頭戍兒年正少隴上戍樓天欲曉鄉心滿目江南草萬人仰面盡露衣呈高月黑梅花飛立抱馬鞍僵不寐蕭蕭莽莽黃沙地

企喻歌

寶刀行萬里伴身不單反著羔羊裘朔風穿背寒

捉搦歌

作飯不喫只欠飽種花不開莫若草阿婆養女勝珍寶不見日出那得曉

折楊柳歌

憶昔出門日攀柳作馬鞭十年歸路晚不受秋風憐

高陽樂人歌

白馬誰家子停鞭入酒壚桃花紅映囚一笑春須臾

王五至留宿

園扉闢曉寒群雁拍塘水停船客面熟鎗花夜來擬披豁  
對夫君兼之遺芳並猥蒙金石交期作天下士截葉古詞  
壇君才振其圯碌碌我奚甘盟槃輒強起蟋蟀久入牀鳴  
冬將發徵寒聲戰林莽霜氣切毛髓繼晷賴焚膏左圖方  
右史流光日以徂少壯心徒爾徐斟松葉杯快擘桃花紙  
擁爐味率真瑣屑勿挂齒

題王勤中桃花

三尺小桃春自由脂痕滑並粉痕柔漫愁風雨五更惡燕  
嘴啄香歸画樓

謙谷集卷二

送季兄謝谷北上

以下乙卯

七

息鞅十年讀探源五子書在山雖可樂於物未應踈水圻  
長河候鶯遷上苑餘征袍習寒暖時復念門閭

桑韜甫水部過舍留信宿

明月滿溪屋燈然入松門掃除風已淨棋花縞南軒廬居  
教鄉里雲白姚江村何意塵土軀得臨味道言茗柯微實  
理菜把來中園雨風且淹權不憎添溪痕

鏡

合是軒轅寶完完月勝銀幾回勤拂拭一片少埃塵獨處  
煩相鑑愁來嬾更親滿頭花自插聊駐此中春

讀書華及堂

無多玉川屋不少子猷竹因之避世喧聊可成余獨叢編

滿一牀隙處頓數麓茗椀與酒彞位置各安族客來閒譚  
論客去自清肅幸居小邑中有客亦必速終朝寡異營方  
丈類空谷謳吟隨意發深夜動林木曰余慕修士豈敢志  
利祿陶琴真我師簷筵奚待卜

櫻桃花

零碎東風滿樹吹畫檐春盡不勝垂何人攀立秋千下一  
鳥銜飛夕照時影撲簾旌兼落絮香空鈴索罾游絲含情  
結子曾無語絕怪朱脣學侍兒

題吳大芑君扇頭水仙

月落空江動早潮額黃點處薄春嬌祇綠仙骨生來別爭  
肯從時學楚腰

朱三冲之招飲芳谷

謙谷集卷二

八

結屋溪邊老開筵雨後春袷衣團扇客莒葉杏花辰集古  
歐陽好壽論文字美親蹇修如可俟一意佩蘭紉

過偶圃飲

澗湖南岸有春風十畝之間一畝宮繞種好花寒食暮坐  
看脩竹主人同吟方有社還須賽愁本無城不用攻但遣  
糟床多壓酒閉門霖雨任天公

拜吳晉昭師墓

鬱鬱馬場湖圻邊先生藏玉竟千年更無遺息澆寒飯孰  
與豐碑立暮烟少則從游今尚負古之篤行後何傳祇應  
歲歲清明候來對新松哭杜鵑

題書屋前牡丹

窠石高低水次林欄虛百寶價千金全開翻覺半開安夜

看那如朝看深百五亭臺絲管競逡巡烟月雨風侵一叢  
冷對餘真賞車馬無勞白傅吟

燈花

不覺銀缸爛花從一線抽多應來客話也足動春愁的  
紅生豆瓏瓏玉綴毬東君深護惜莫遣曙光收

酬玉巖

春老溪頭宿雨含喜聞剝啄到花南藝林後進尊韓筆客  
座新聞薄晉譚將酒不孤天月對贈人何有嶺雲堪吟高  
許倚槐陰寄著屐相從徑數詣

獻壺

曉起數呼僮連連替水筒高擎篩雨細炫轉落珠同壺裏  
春先漏花頭滴更紅仍煩各暄冷一點一心通

謙谷集卷二

九

初夏桐谿草堂

暖氣透疎櫺溪聲獨自聽夾衫風襲罷高閣照冥冥碎糝  
棗花白圓垂梅子青糟牀雖已醉獨醉不如醒

乞曹竹隣先生寫竹

新筍鄰家已過牆著書想得日初長預期直幹生風雨分  
我茅齋六月涼

無絃琴

何必七條水神明中自涵亦知天籟邈誰與素心叅高樹  
陰牕北秋山霽屋南冷然微外賞一瓊菊花酣

孟兄自閩寄荔枝

念君作仙令楓亭古時駟最傳荔子丹大火中繁實今晨  
寄海航遠道漬崖蜜一笑啟圓籠北堂娛永日福州產故

佳端明譜曾志品儕三十二宋家香第一堆盤得非是分  
甘耶甲乙將軍紅未高十八孃難匹縮衣擘手輕芳氣通  
心密尚嫌三日餘祇恐五滋失想當園曉開到處日高出  
灼灼霞綺拖離離星暈溢長官清不貧小吏慧而質露摘  
劇猿猱飽餐勝梅橘亦聞西禪寺上郡月逢吉頰虬珠走  
撲絳羅袍笑暱風味總不殊蒲萄更何必獨噉懷老人輕  
郵等兼鎡故園夏果熟攜李魯經述此物天下無一掐爪  
痕率報君須玉案縮地少靈術西施與玉環邢尹漫評隲

寶幢泉

松陰一逕入兩邊夾田禾寺門俯海眼渟泓寒不波蹲蘚  
久盪漱沁心清氣多餅罌恣擔汲中少潜蚪呵髯公去已  
題斲碣蒼如何落日冷山背稍出樵人歌

謙谷集卷二

十

朱大潜起過寓齋留宿

砌竹搖秋碧餅荷出鏡香最便巾幘淨略息往還忙酒戶  
愁君窄風櫺卧月涼明朝同出郭看桂段橋莊

過冲之愚庵

精廬聊復寄瑪瑙寺前松荷淨開門水山虛落日鐘文章  
秋欲試杯竿晚相逢看取西冷月今宵為客濃

玉帶橋晚坐

兩峰青不斷裡湖涼最多瀾瀾祠畔水十里開風荷紅欄  
裝雁齒其下游船過短亭圓似笠避日堪婆娑亂蟬風外  
響高柳烟中拖支願望城闕柰此斜陽何

陳二乳巢見訪

委巷夜方澹聞堂秋不陰結交何必早所貴相知心

西湖同陳二乳巢朱三冲之王五受銘錢七坤一  
汎舟小飲席上賦五絕句

寶所山迴紫翠親三潭過雨采香萼琉璃黃綠雲間瓦第  
一山門禮 聖因

渚蓮猶未卸紅衣堤柳紛然弄夕暉要看錢王祠下月總  
宜船好不須歸

絲管聲聲過別船十三亭子一時煙銜杯索共青山醉明  
日相思即渺然

蓬萊只在水中央白傅蘓髯儘自狂一掬湖山那拋撇却  
隨金馬賦長楊時錢七被鴻博之薦

入手功名意中事捺人山水眼前容尋常歲月尊前老坐  
聽南屏一杵鐘

吳山晚眺

謙谷集卷二

十一

城郭憑臨悵夕陽萬松頂上颯秋涼海門一線潮生白越  
岸千螺雨送蒼綽有霸圖錢氏攤了無王氣宋宮荒含愁  
却俯西湖水滿浸芙蓉脫夜霜

江上看潮

鏡水稽山紛在矚素車白馬又從東九秋呼吸號龕楮三  
浙奔騰雜雨風去去估帆飛鳥亂高高城角夕陽雄漁人  
不識霏胥怒江面平來下釣筒

問坤一病

眠食今何似擁書只一龕無為滯漳浦竟爾劇桓譚秋雨  
聽長入金庭夢豈參因風致苓朮肯起共幽探

讀詞綜書後二十首



一曲黃河菩薩蠻趙家真本出花間梧桐葉聲敲雨忍  
對明鏡付小鬟

摩訶池上已秋風畢竟流年換暗中一樣落花歸不去人  
生長恨水長東

南唐悽惋太癡生吞吐春風不自明一拍一杯還一夢直  
他亡國爲新聲

浣花端已添惆悵僕射陽春且柰何小令未應誇北宋亂  
來哀怨覺情多

處士深憐碧草芳情鍾我輩詎相忘叔原子野多新製題  
向尊前揔斷腸

淺斟低唱何心換海雨天風特地豪待喚女兒春十八紅  
牙明月一聲高

謙谷集卷二

十一

黃九何如秦七佳莫教犁舌泥金釵東堂略與東山近風  
雨江南各惱懷

知音盡妙數臺清真換骨能將古句新風月漫誇天上有  
鶯花長發意中春

濱老深情不自持希真瀟灑亦仙姿愁他滴粉搓酥後悟  
到褰簾一夢時

清雄端合讓辛蘓忠敏牢愁絕代無花落小山亭上酒怨  
春不語爲春孤

南渡江山未可憑諸君哀怨盡情能一從白石簫鼓斷誰  
倚瓊樓最上層

綺語流傳也復豪清真得替後來高夢牕竹屋俱壇坫未  
便梅谿得錦袍

梅谿白石漫聲名鼓吹王孫極勝情西麓蕭齋花外在白雲終竟去人清

花月何須秋復春酒旗歌板旋成塵番番檢閱無名氏語語分明本恨人

漱玉天才韻最嬌魏夫人亦解清謠晦菴定不輕相許閨閣能文屬本朝

宣和殿裡小宮姬淪落相逢淚濕時好是彥高能大曲一天春草碧離離

元家野史斷知音亭遶鷗波欲濺襟並向春風歌一曲不知亡國恨誰深

鼻祖鄱陽竟不桃玉田未信後塵銷蛻蠟賴有清聲在一為鶯花破寂寥

謙菴集卷二

三

江山吳越淚霑衣鬪盡才華事想非一曲麗真收拾了漁陽却送水雲歸

檀槽生澁雨風知拍遍千迴合付誰箇是人間斷腸句祇應莊整寫烏絲

受銘病

客帳寒多峭不勝秋風失意骨峻增燈檠對剔愁無那藥物監炮僕尚能取笑強斟浮瓊綠一寒休置滿懷冰城東轉憶錢徵士獨卧經旬也劇增

題九鯉湖圖

衆山落泉湖匯鍾湖口倒瀉蒼玉龍斛珠飛濺匹布衝四林濕氣無春冬何家兄弟玉鍊容九人挾戲湖上峰一人一鯉青天從丹成各去無留蹤湖頭自發秋芙蓉白水長

落雲長封吾兄試宰道氣濃圖成示我懸壁松列仙之儒  
安可逢紛吾蔡鄭懷惺忪隱居夾深空谷從此間讀書頹  
着儂巖凹破寺林重重久對欲響斜陽鐘

浮谿館對雪用東坡韻二首

冥冥不漏日痕纖寒壑溪堂晚更嚴厨黑旋温缸而酒園  
空徐下水心鹽凌高影亂荒城木入靜光低小院簷研北  
老生吟未穩凍毫頻退已無尖

漫空作勢戰昏鴉判我清宵卧麴車銀燭不燒渾送曙瓊  
林無籍也開花竹松自掩蕭條逕漁釣誰憐寂莫家側側  
迴颺靜溪水明朝蓬艇斷三义

題無名氏宮景

露滴金池菡萏香冰肌新浴出雲廊把來團扇渾閒事暗

謙谷集卷二

十四

覺西風逗早涼



